

續處州府志序



善乎鄭夾漈之善班彪也
續史記自武昭至于後漢
武昭以前不復獵皆於本
紀之外別紀所聞以為深

續處州府志序

卷之一

入太史氏之壺奧吾取以
為法焉省起例且無掩前
伐也枯蒼彙紀脩於前守
熊新昌公維時萬曆七年
迄今又閱二十有五春秋

矣諸興建騷革及諸徽績
懿行表聞者缺焉未臚懇
久湮第也又前志次舍紀
不載衛所營建官師表不
載武職死難之臣古者郡

太守兼治兵今雖府衛分
隸然皆一府事宜與知仲
尼告子貢以兵食民信三
者是安得獨遺故并補之
所謂於本紀外別紀所聞

者也叢目條自十縣賢侯
學博而委長編於縉紳葉
羅陽先生乃不佞寔詮定
焉志成當有言以序諸首
余惟郡志猶家譜上自鼻

祖下之雲仍昭穆世系田
宅山塘樊園墳墓墅埒別
業俱得籍入而所重者則
在世德象賢昭令德以詒
子孫寧在笈守空籍無折

損先貫而已是志雖成猶
然空籍也不佞自佐郡轉
守以來將十年所幸士民
安予之拙挽不聽歸子舍
每覽前志慨然思尾芳躅

繭趾而趨竟未免於抱空
籍之慙其何以謝此邦父
老雖然令惡害已者無所
去籍諸近事可興發者具
在則不能無少補焉耳其

亦可藉手以塞否也是為
序

皆

萬曆三十一年歲在癸卯

季夏處州府知府宣城

續處州府志序

卷之一

五

許國忠撰



續處州府志序

國必有志志國事也即史記之遺規信今而傳後者也是故君子恒究心焉若稽諸古王國志于尚書侯

續處州府志

序

六

國志于麟經志莫尚於是矣周官職方氏掌天下輿圖而周知其利害然後隨所施而咸宜鄩侯入關收秦圖籍以是知天下阨塞

強弱佐漢高成帝業而居
元功之首志之有當于用
也如此哉處州當古侯國
漢唐以來為縣不一沿革
靡常或隸會稽或隸臨海

諸事多附于郡無專志也
宋元而下如紹興之圖經
乾道之括蒼志皇慶之續
脩又歷時之久其詳不可
得聞矣

本朝混一區寓奄有萬方
凡風俗山川典章文物與
夫貢賦戎兵之屬胥于志
焉見之成化癸卯郡守肥
鄉郭公爰命學官輯為郡

續處州府志

序

志至萬曆己卯幾近百年
新昌熊公承學憲之檄敦
請鄉達賓巖何先生為總
裁又徵府學暨十邑諸生
三十四人分類校正凡八

閱月而成即所稱前志是也迄于今且踰二紀其間建置事宜與仁賢芳軌多有可述者此而不志後能免遺忘乎宣城許公初以

郡丞來蒞吾楛者八年車轍殆遍十邑於凡土俗民情利弊興革靡不洞知因念文獻足徵斯考據有自府志之續是誠不可緩者

既而晉秩守郡遂慨然曰
續志茲其時乎可以畢吾
願也於是亟檄諸縣條悉
具陳以余在前志時曾與
校脩之列於科指為習閑

續處州府志

序

十

迺以總脩見屬余亦勉承
德意蒐采編摹別為衛志
以附其後公更躬加詮定
歷三時而竣于事釐為八
卷裒為兩帙續于前志之

未刻成度之郡閣以俟後
之合脩云抑余猶有說焉
志以乘名取記載也而觀
感之機寓焉故觀題詠知
山川之形勝觀碑記見創

建之規模觀陂堰橋渡之
利民而興饑溺之思觀坑
冶徵稅之厲民而杜釁隙
之漸觀治行則守匹龔黃
令媿卓魯而師可蘇湖矣

觀往哲閨操則士砥名節
民端淳龐而女慕貞潔矣
至若觀武功則任干城之
寄而底戡定之績者將代
不乏人矣治隆於上俗美

於下寔轉移化道之功其
有裨于吾括者非淺鮮也
奚徒取諸空籍已哉此太
守公續志之深意余因表
而出之

昔

萬曆癸卯歲夏月之吉

郡人羅陽葉志淑撰



纂脩凡例

一續志規格次序悉依前志後之合脩者分類以附其後如出一手矣

一次舍有時而增益地里無時而改更而詩以紀遊文以紀事亦他志所必有者就中而論之學校乃本原之地陂堰為衣食之源而橋梁道路又往來之所共由凡有創脩必詳書之美其知當務之急也

一官師選舉二表一則稽其僚佐之同時一則取其科貢之相值必排列均停俾觀者得以尚論

續處州府志

凡例

其世若官本接代而格則間十行殊不知十行之間動隔數十年矣豈其時皆缺官耶此前志之當改正者也

一禮祀自前志以後凡配饗從祀及名宦鄉賢必備書其人若麗陽為闔郡正神而復田又祈報攸係故於碑記恒致意焉俾後之觀者知有其舉之莫敢廢也

一治行往哲閨操乃人物臧否攸關在城耳目所及必協于輿論然後登名若在外限于見聞難以遙度止憑各縣開報但縉則纂於庠士遂則

撰自校師故視他縣爲獨多今惟刪其繁以就簡耳餘則非所知也其中或是非疾於人情自有任其責者在

一武功即處州衛志附於本府之後其序世次俱以來自本衛者爲始祖以後凡有陞級則叙其獲功之由餘惟述父子兄弟之相傳而已其間或行誼超卓事功顯著有足稱者必其人陞遷出衛及物故不存然後備錄其實若在衛見任官員但紀其目下所管何事此外例不得書

纂脩姓氏

監脩

處州府知府許國忠

同脩

同知張憲可

通判周洪議

推官陳侯周

總脩

郡人羅陽葉志淑

校脩

續處州府志

卷之

三

府學生員葉秦

張率孝

續處州府志目錄

次舍志

官師表

選舉表

地里志

禮祀志

治行志

往哲志

閩操附

武功志

續處州府志

目錄